



Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la


Pragæ, 1672

Caput XXXII. Quales oporteat esse Superiores, & Confessarios, ac Patres
Spirituales.

urn:nbn:de:hbz:466:1-38580

rere, in hujusmodi statu animæ, est, esse pusillanimem, & possidere virtutem imperfectam, dummodo sic fugiendo, ipsam obtineat, quod difficulter fiet, quamvis tali homini id videatur facile. Et plus valer modicum, si modicum dici potest, acquisitum legitimè, quam multum, quod obtinem⁹ medijs, mutuatis à spiritu nostræ pusillanimitatis. Ut proinde non conveniat, sicut dixi, ad majorem gloriam D EI, neq; ad majus ipsius obsequium, quod in hoc eventu videtur, fieri consideratè & prudenter, sicut Vestra Paternitas existimat: cùm tamen non sit illustrata peculiari lumine D EI, sicut par est, ut illuminetur, pro simili negotio mandando executioni: præterquam, quòd D EUS nullo modo moverit ipsius voluntatem ad hunc finem. Quod decet fieri, ceditq; in majus obsequium D EI, est, ut, confidendo in Divina Majestate, quæ nunquam deest ulli eam querenti, animo forti & constan-

ti, pugnet contra se ipsam, & contra suas naturales propensiones, laborando, & anhelando, cum sudore vultus sui, & viribus superioris partis animæ sua, pro obtinenda virtute, & victoria sui ipsius, cui respondet corona floridæ laureæ, quæ datur, non sacerdibus ac pusillanimis, qui fugiunt, & vertunt tergum hosti, illos deniq; insecuturo sed generosis militibus, qui objiciendo ipsi peccato, & animosè resistendo, illum vincunt, sibiq; subjugant. Hoc si factum fuerit, ac mandatum exequutioni, multum valebit, ac æstimabitur in conspectu D EI, cùm ista sit ipsius voluntas, cedatq; ad magnum fructum, & commodum spe ciale Religionis, quam ipsius filij semper debent quam pronissimā voluntate, & spiritu juvare, donis acceptis in hunc finem à D EO, & à Sancto Dominico.



CAPUT XXXII.

Quales oporteat esse Superiores, & Confessarios, ac Patres Spirituales.

§. I.



Eclaremus, quales debent esse Superiores, ac Prælati Religionum, ut perfette exequantur sua munera...

Debet Prælatus esse Servus D EI, bonus Dux militiæ Christi, bonus Pater, bonus Judex, & bonus Pastor.

Debet esse bonus Dux Exercitus Christi JESU Domini nostri, sapiens, prudens, & generosus; ipsum enim oportet esse primum, & præcipuum, ac præcedere ceteros, in omnibus operibus virtuosis ac religiosis, quantumvis arduis & difficilibus. Debet quoq; docere magis exemplo & O-

ratione, quam strepitu verborum, ita ut sit viva regula reliquis omnibus. Debet præterea esse minister ac servus suorum, militum, & subditorum, memor Christi JESU Domini Nostri & Magistri, qui venit ministrare & non ministrari, sicut ipsemet dixit; debetq; libenter exponere suum honorem, & suam vitam, ac sanctitatem, si esset opus pro Ordine, ac bene peragendo suo officio, & pro honore sui Domini ac D EI. Debet quoq; idem Prælatus esse bonus Pater, mansuetus, affabilis, consolari afflitos, & prospicerem cœssitatis ac miserijs naturalibus & spiritualibus filiorum Christi JESU, qui illos ipsi confidit, commisitq; illius manibus & protectioni. Debet insuper esse prudens & sagax in suo regimine, qui sciat strige re 16

re ac laxare, quando, & sicut magis expedit pro bono ordine rerum, & ad gloriam DEI, ac bonum & augmentum suae Religionis, ac domus, accommodando se, & compatiendo naturis, genio ac virtuti suorum subditorum.

Debet esse bonus Judex, exequor iustitiae, si id exigat necessitas, & gloria DEI; fidelis, rectus, discernens verum à falso, & liber à passionibus, semperq; habens præ oculis DEUM. Debet etiam illam integrè exercere, non mutando, neq; invertendo naturam, quam ipsi DEUS regendam dedit, sed perficiendo ipsam & accommodando legibus Religionis ac iustitia, ut in omnibus DEUS honoretur & glorificetur, ac sacra Religio prosperè per ipsum procedat & augeatur. Debet quoq; iste Prælatus, esse bonus Pastor gregis JESU Christi, curam habens suarum ovium, & erga easdem hospitalis, quærens, si id sit necessarium, ovem perditam, & referens in suis humeris ad gregem, ligans ac solvens, quām optimè potuerit, cum charitate, oratione, & commiseratione, illius fracturas, vulnera, & miseras, imponendo ipsius ori salem orationis, ut illum sumat, qui curat ac sanat miseras humanas, ac vegetat & confortat, pro omnibus bonis spiritualibus, estq; præsidium & castrum Divinum, quo se recipiunt pauperes, ac vulnerati milites, ut quiescant & curentur.

Hæ sunt leges inviolabiles, quas DEUS vult servari, à Prælatis, ac Superioribus, & si quis est, in quo non reperiatur, neq; ipsi data sit ista dexteritas, seu Spiritus DEI, vehementer illum rogo, nomine DEI, cuius credo esse id, quod dico, ut si non vult errare, & perdere, tum se, tum alios, fugiat ad montes & solitudinem, non materialis, sed spirituales, quæ siturus DEUM, ac operam daturus suo profectui, & curæ sui ipsius, donec illum ipsem DEUS educat ad hoc opus, suâ potenti manu, operâ & virtute Sanctæ Obedientiæ: tunc enim bene proceder, & rectâ viâ progredietur. DEUS nos illuminet suâ Divinâ bonitate, dirigatq; in omnibus operibus nostris.

His que dicta sunt de Superioribus, volo adjungere, quod scripsit, dicens, se ex Divina communicatione intellexisse, fieri à DEO magnam gratiam j̄s, qui gubernant, dando ipsis, qui illos adjuvent, aliquos speciales suos amicos in terram, & confidentiam erga eosdem: quamvis enim regimen generatum, non debeat inniti revelationibus, quas illi ipsis refemant, sed preceptis DEI, ipsiusq; doctrina, & proprijs Constitutionibus ac Regulis approbatis: nihilominus eveniunt quædam specialis momenti ac difficultatis, pro quibus prudenter peragendis, efficit error, non uti consilio horum amicorum DEI, & illa cum ipsis non conferre. Hoc monitum videtur simile illi monito Ecclesiastici: Cor boni consilij statue tecum. Nam anima Viri Sancti interdum revelat melius veritates, quām sepius excubatores, qui sedent in specula, ad illas explorandas.

§. II.

Quod Servo DEI Confessario, & Patri spirituali incumbit faciendum, ut prospicit animabus, quæ sunt curæ ipsius commissæ, & quas regendas suscepit, amore DEI, primum est, purificare seipsum, & esse sanctum, ac verè amicum DEI, quia reverâ nemo potest dare alteri, quod ipse non habet, estq; certum, quod quale est lac à matre datum filio, talis sit futura ipsius educatio, vigor & robur.

Secundum est, ut assumat hoc tantum negotium, juvandarum animarum, considerat ac seriò, utq; sciat estimare, & magnificare valorem ac dignitatem animarum, liberatarum, & emptarum Divino ac infinito pretio sanguinis JESU Christi Domini Nostri, qui dixit, delicias suas cum filijs hominum. Et cùm istæ animæ sint templum, ac habitaculum Spiritus Sancti, ubi ipse hospitatur, est hoc Patri Spirituali singulariter considerandum ac ponderandum, debetq; se estimare felicem, ac beatum, & humiliare se cum gratiarum actione, eò quod DEUS ipsum dignetur ex sua bonditate eligere pro

filiis

suo œconomo, qui illi debeat apparare & exornare domum, in qua ipse sit habitaturus & hospitio excipiendus; nec non pro hortulano, qui debeat colere ipsius hortum, ut proferat copiosum fructum, & svaues ac odoriferos flores virtutum & devotionis, quò omnia possint proponi in conspectu & in mensa magni Regis, ut ea suscipiat in sacrificium & holocaustum.

Debet tertio, serio, ac toto corde desiderare, salutem & profectum talium animarum, & offerre pro illis D E O Orationes ac Sacrificia, rogaréq; Divinam Majestatem, ut ipsum faciat idoneum Ministrum & Coadjutorem suum. Amet quoq; illas ita in Domino, ut sit paratus, si opus esset, exponere vitam, pro earum salute, & gloria D E I, ad id faciendum libenter propter Dominum, qui dedit suam Divinam, pro salute omnium. Quòd si viderit exiguum dispositionem, ad proficiendum, ex parte pénitentis, non propterea desponeat animum, aut fiat pusillanimis, vel affligatur, sed speret in D E O, cuius est illud opus, corde dilatato, fore, ut ipse, per suam bonitatem & misericordiam, illam promoteat ac provehat in lucem, quomodo, & quando ejus Majestatis visum fuerit ac placuerit, secundum magnitudinem ipsius occulorum & altissimorum judiciorum: cogitétq; & credat, se tantum esse miserabile instrumentum Divinæ Manis, cuius est istud opus, sicut diximus.

Quartò, debet conari, magnâ curâ & solicitudine, si vult erigere magnum & pulchrum ædificium, ut faciat fossas, jaciatq; profunda & solida fundamenta, volo dicere, adnitendum ipsi esse, ut auferat ab anima terram, ac vilitatem honorū terrenorum, vanorum ac temporalium, atq; etiam quorumdam aliorum, qui videntur spirituales, & non sunt: útq; anima se ex proposito collocet in sterquilino sua vilitatis, & sui nihil, testà radendo sua ulcera & saniem instar Jobi. Et credat Confessarius, non reperiri (meo iudicio, atq; secundum id, quod, D E O dante, sum experta) aliam majorem dispositionem,

quàm hanc profundam humilitatem, ut Divina Majestas operetur stupendas & admirandas res suas, in anima...

Debet quintò, reddere animam propensam, quantum est possibile, erga amorem D E I, & erga ipsius Crucem, ac ad patiendum pro Domino, qui in ipsa nos redemit, condiendo illi istam efciam Crucis mille modis, ut illi sit addicta, & sapiat omnimodè, instar manna filiorum Israël, quia revera bona ac thesauri, qui in ea periuntur, sunt manna absconditum illi, qui eam degustat, continet enim saporem omnium rerum Divinarum, & iplusmē D E I, quo nihil amplius dici potest.

Sextò, conetur omnibus suis viribus proscribere & encare in anima pénitentis, qui est cupidus sui profectus, omne, judicium proprium, omnémq; propriam voluntatem. Hæc etenim est pessimum animæ vermis; tinea, quæ omnia bona ipsius corruptit, ea corrodit, ac defract. Debet autem Confessarius & Pater Spiritualis illam hac in re adjuvare & exercere, cum sancta prudentia, proponendo ipsi mala ac damna, quæ ista via adserunt animæ: debet etiam propterea expenditure & explorare genium, virtutem, ac naturam pénitentis, & gratias ac dona, quæ D E I ipsi communicavit, & secundum hoc, tendere vel remittere nervum arcu mortificationis, & probationum, quibus valde est necessarium, & conveniens, illam exerceri, pro ipsius profectu, utq; omnes virtutes unitæ edant svavem & concordem musicam, quæ bene ac svaviter resonet, in auribus D E I. Debet quoq; Confessarius, Servus D E I, ut hoc opus bene peragat, observare in eo modum svavem & gravem, qui sit acerbus, unaq; dulcis, ne anima insipiens, in virtute debilis & infans, exasperetur, vel concidat animo, propter nimiam acerbitatem, id quod ipsi multum posset obesse; nec propter nimiam dulcedinem magis infantetur ac debilitetur: útq; corroboretur & acquirat vires requisitas ad obediendum, quæ res est clavis hujus totius ædificij, & ad quod illam debet plurimum adhortari.

Proprie

Præterea, illidebet magis operibus (quæ ille intelligat, cognoscat & percipiat, si nimur toleret ipsius fragilitates ac tædia, & alia) quam verbis, præbere indicia magni desiderij, quo optat ipsius salutem, & maiorem proœctum, quia alioquin fortasse parum efficaret; & nullo modo expedit, animam in hoc statu macerare, & nimiam fame Sacrae Communionis vexare, si anima sit pura, quia languescit, nimiamque concipiēt internam tristitiam.

Debet septimè Confessarius, serio persuadere poenitenti, cupienti proficere, studium continua Orationis, adducendo ipsum & collocando, quantum potuerit, ad portas Divinæ Misericordiæ, ut petat elemosynam, instar pauperis Lazar, debetq; illum ducere in hoc exercitio viâ ordinariâ, quam nos docent Sancti (non vero aliâ) orationis ac meditationis, gratiarum actionis, & cæterorum huc pertinentium, continua quoq; memorie DEI, & ipsius præsentiae. Quodsi, dum anima hoc modo procedit in isto sancto exercitio, bono ac utili, DEUS, qui est universorum Dominus, intervenerit, duxeritq; ipsam ad aliam viam, non ita ordinariam, non debet illam Confessarius, ab ea abstrahere: Sed debet diligenter attendere ad id, quod DEUS operatur, & custodiare suum illum agrum, ne veniant latrones & fures, qui sunt diabolus, cum suis imaginibus ac representationibus, & phantasia, humores, ac natura cum suis apprehensionibus, & illusionibus: id quod poterit agnoscere, prudens & peritus Pater Spiritualis, ex effectibus, quos ista producunt in anima. Atq; si sub initia hujus novæ viæ, viderit Confessarius, quod plerumq; tentent intrare in animam ista mala reptilia, reducat ipsam ad priorem viam ordinariam semel ac sèpius: ita enim expedit, & quia diabolus, ut est tam superbus ac hostis humilitatis, videns suos iactus resilere ad se, dum se anima humiliat, recedet pudeatus. Neq; timeatur, DEUM propterea offendit iri, cum enim sit, qui est, redibit Divina ipsius Majestas semel iterumque ita, ut nemo sit qui ipsi id possit impedi-

re, aut facere, quod minus exequatur, quod intendit operando in anima, quod vult, estq; conforme Sanctæ ipsius voluntati. Et probando hac ratione Confessarius animam, acquireret illius notitiam, perspectumq; habebit, quoad hoc, ejus statum. Non aperiat autem Pater Spiritualis isti poenitenti, quod sentit & cognoscit, de statu ipsius animæ, in re præsenti, quia non expedit, nisi quando est necessarium ad ipsius proœctum, auxilium, & solatium, si coindiguerit,

Hoc intelligitur de principijs, quamvis ista principia durent multis, vel paucis annis, prout DEUS disposuerit, donec nempe anima sit exercitata, & profecerit in virtutibus ac spiritu; si enim id adsit, parum haec res potest nocere vel nihil, cum gratia DEI: habeatq; pro optimo signo, sanctum timorem DEI in anima, & quod, hac viâ incedens, sit circumspecta & quasi timida, humilis, subdita, subjecta, & obsequens judicio sui Patris Spiritualis, cui vult obedire nomine DEI, qui ipsum illi dedit pro adjutore & Magistro: contrarium autem, ut est vana lætitia & complacentia, atq; gaudium, licet sit modicum, eò quod habeat res singulares, & extraordinarias, atq; vana quædam confidentia, quamvis occulta, quæ se semper prodit per aliqua indicia & signa sui mali coloris, atq; interna inquietudo, ut in nulla spirituali videatur conquiescere, quam sentit, audit, intelligit, & cognoscit internè, atq; cum continua inquietudine audiat aliquid hic, ac videat ibi, & parum sciat referre de eo, quod fieri internè experitur, prorsus est pessimum signum, & cura hujus morbi est, humiliare istam animam, ac abducere ipsam ab hac via, & efficiere, ut observet modum ordinarium orandi, sicut dixi. Atq; ut procedat bene in gubernandis, & curandis hujusmodi animabus, debet Pater Spiritualis habere animum ac affectum, quoad ista, prudentem & sincerum, ut cogiter, credatq; Dominum DEUM, qui est, qualis semper fuit, in bonitate, sapientia, incomprehensibiliitate suorum Divinorum judiciorum,

Ffff


& in,

& in omnibus reliquis suis attributis, facere, ac posse facere in animabus opera admiranda & stupenda, propter suam bonitatem, & bonam dispositionem, quam ad id habent, cum ipsis gratia, atq; hoc modo operatum semper fuisse, implendo Ecclesiam Sanctis, qui admirabilibus ac diversis fuerunt virtutibus ornati. Debet quoq; esse prædictus, quadam prudenti astutiâ & sagacitate, ut exploret quām diligentissimè, quā ingrediatur & egrediatur diabolus, ipsisq; ambages, qui frequenter, permittente id D E O, se transfigurat in Angelum lucis, sicut vidimus, ut decipiat animas. Propter hæc omnia debet Confessarius habere pondus, & stateram fidelissimam in suo corde, ne natura ipsis ad alterutram partem inclinet, sed ut consistat in medio, habeatq; præ oculis scripturam Sacram, & doctrinam Sanctorum. Dominus nos omnes doceat, dētq; nobis suum Sanctissimum lumen & gratiam. Amen.

§. III.

Dicit Dominus, non esse optimum, pro Magistris vitæ Spiritualis, qui regunt animas, quas D E U S ducit vijs extraordinarijs, non habere affectum aut propensionem erga ea, quæ in hac materia debent docere, & ipsis communicare, quando illa existimant esse secura, & conformia regulis, quæ in eam rem habentur: si enim careant illo affectu, vel habent à talibus aversionem, necesse est, ut dent filijs Spiritualibus lac insipidum, quo generantur Spiritus exiguae dispositionis, ut D E U S ipsis præstet tales gratias, five ordinarias, five extraordinarias, quarum

una valeat, ut ajunt centum: volo dicere, ut per unam talem elevet D E U S animam ex statu imperfecto, ad perfectiorem, vel alium magis sublimem ac celestem perfectarum virtutum, & amoris D E I: neq; debet Magister esse tepidus, vel remissus in eo, ut velit scire, & inquire spirituallia; sed instar boni mercatoris ac solliciti, non solum vendere illis, qui veniunt ad ipsius officinam, ut querant merces, sed etiam ijs, qui transeunt per viam, & incitare illos, ut emant aliquid ex ipsius officina. Neq; debet dicere: Qui venerint ad meam officinam, illos suscipiam; feci verò facientem nihil euro: siquidem frequenter reperiet in aliquibus transiunctibus præclaram occasionem, quā tam illi, quām ipse valde evadat dives coram D E O, cui rem fecerit admodum gratam, instruendo illam animam, si erat innocens, atq; aperiendo ipsis fraudes, si erat illusa, & non incedebat per viam lucis ac veritatum Sp̄ritus Sancti, & sacræ Scripturæ. Non oportet istos dicere: Ego non debo interrogare personas Spirituales, sed solum audire, & respondere ad ea, quæ mihi dixerint: quia sæpe evenient, ut interrogando eruant venas aureas admirandi Sp̄ritus Divini, quo utriq; ditentur; alias verò deprehendent stagna, & lacunas, ac sterquilinia sordida & abominabilia, quæ, candidâ nive apparentis Sp̄ritus cooperata, labant sub illo secreto: quæ si expurgentur per veram doctrinam, non inficiunt animam, neq; corrumpunt erroribus, quos fortè conceperunt per illusionem, & opera diaboli, nostri adversarij, ac hostis capitatis.



CAPUT